

երբեք պակաս չէին հիւրերը: Հագիւ կը պատահէր, որ պողոտայով մէկը անցնէր ու որպէս հիւր սրտանց չմեծարուէր նրանց մօտ: Էջմիածնի պատրիարքը, եպիսկոպոսներ, հոգևորականներ եւ աշխարհականներ իրար խառնուած՝ շարունակ ներս ու դուրս էին անում նրանց մօտ: Ամէն մէկը կարող է արդէն պատկերացնել, թէ ամառուայ այն սոսկալի շողին ու այրող տապին որպիսի դովութիւն պիտի պատճառէին պտուղն ու խաղողը անցորդին, եւ թէ՛ նա, այդ անցորդը, ինչպիսի շնորհակալութեամբ պիտի դուրս գար այգուց ու շարունակէր իր ճամբան: Կայ նաեւ այն, որ այս երկրի ժողովուրդը պտուղը եւ խաղողը լաւագոյն դեղ ու դարմանն է համարում ամէն մի հիւանդութեան դէմ: Հէնց որ մէկը մի քիչ հիւանդանում է, իսկոյն պտուղ կամ խաղող է պահանջում, եւ կամ երկուսն էլ միասին: Մինչեւ իսկ պնդում են, որ անգամ մահուան մահճիւղում գտնուող մարդու վրայ քարերար ազդեցութիւն ունի այս համաշխարհային դարմանը:

Հաքստհաուզէն ասում է մի այլ առիթով (Ա. 210).

«Արովեանի մեծ հայրը դեռ այսօր էլ ասորում է շրջակայքի բոլոր ծերերի յիշողութեան մէջ: Արովեանը պատմում էր՝ երբ նա դեռ երեսայ է եղել, Երեւանից շատ յայտնի բարեկամներ սովորութիւն են ունեցել նրա ծնողներին այցելելու: Նստելիս են եղել այգում, ծառերի ստուերի տակ, ուրախանալու եւ զուարճանալու: Նա, մանուկ Արովեանն էլ, ծառայելիս է եղել հիւրերին: Սրանք թախիծով են յիշելիս եղել իրենց հին բարեկամին՝ Արովին: «Ամէն ինչ», սովորութիւն է ունեցել ասելու ծերունի Արովը իր հիւրերին, «որ Աստուած տալ կարող է մեղաւոր մարդուս, ունիմ ես — զաւակներ, հարստութիւն եւ բոլոր մարդկանց սէրը: Այդ պատճառով էլ ես այս այգին նրան եւ աղքատներին եմ նուիրել, որպէսզի ամէն ոք վայելի եւ ուրախանայ»:

Շարունակութեան մէջ առաջ է բերուած Արովի արտաքինի նկարագրութիւնը, նրա հագուստը, նիստուկացը:

«Թագաւորի տեսք ունէր նա, — պատմելիս են եղել ժամանակակիցները, — նրա հարստութիւնը ծով էր, ինչպէս եւ՝ նրա սիրտը»:

Մի ուրիշ առիթով, երբ Հաքստհաուզէն տալիս է Արովեանի ծննդավայր Քանաքեռ գիւղի նկարագրութիւնը, ուր նա գնացած է եղել իր մեծանուն հայ բարեկամի հետ միասին, հետեւեալն է պատմում Արովեան տոհմի մասին, տեղեկութիւններ քաղելով, հարկաւ, խաչատուր Արովեանից. —

«Քանաքեռի ծագման մասին գոյություն ունի գիւղական այն աւանդութիւնը (պատմական հին վաւերագրերը, արտօնագրերը եւ տոհմային թղթերը պարսկական վերջին՝ 1825-ի (պիտի լինի՝ 1828) պատերազմին կորել են), թէ՛ Արովեանի նախահայրը, վեց սերունդ առաջ, մի հիւսիսային վայրից անունը շփտեն — իր մարդկանցով ու հարեւաններով եկել է Երեւանի խանի (սարտարի?) մօտ, հալածուած թշնամիներից (լեզզիներից?) ու խնդրել նրանից թոյլտուութիւն՝ բնակութիւն հաստատելու նրա հողերի վրայ, որ եւ յարգուել է: Այսպիսով հիմնուել է Քանաքեռը: Յիշեալ առաջնորդի անունը եղել է Արով: Սա ծագում էր մի հին ազնուական տնից... Թիֆլիսում, Ղարաբաղում եւ Լօրիում էլ կան այդ անունով եւ միեւնոյն ծագումով ընտանիքներ: Արովի որդու անունն էր Վիրապ, սրա որդու անունը՝ նորէն Արով: Ահա այս պարագան է պատճառը, որ Արովեանների ընտանիքին է պատկանում Քանաքեռի գիւղապետութեան ժառանգական իրաւունքը: Սակայն, դա բնաւ չէ կրում կալուածատիրական եւ կամ ճորտատիրական բնոյթ, այլ հիմնուած է միայն ոստիկանական իշխանութեան վրայ»:

Այն միջոցին, երբ Հաքստհաուզէն իր բարեկամի հետ Քանաքեռ է այցելում, Արովեանի հայրը մեռած է լինում, իսկ մայրը՝ դեռ ուղ: Այդ կապակցութեան մէջ խօսելով առհասարակ հայ կնոջ դիրքի մասին, Հաքստհաուզէն ասում է.

«Երբ վախճանում է տան մեծը՝ հայրը, նրա կինը ձեռք է բերում ամուսնու դիրքը եւ իրաւունքները: Նրա ընտանիքի մօր հանդէպ եւս ցոյց է տրւում այն ակնածութիւնը, ինչ որ տան նոր նահապետի հանդէպ: Արովեանի մայրը եւս նոյն այդ դիրքի մէջ էր: Մի դիրք, որպիսին չէ վայելում կինը Արեւելքի եւ ոչ մի երկրում, — այո՛, աւելի պատկառիկ, քան